




Broj: 21-04-11679-67-3/25
Zenica, 14.07.2025. godine

JZU Zavod za bolesti ovisnosti
Zeničko-dobojskog kantona
Aska Borića 28
72000 Zenica



PREDMET: Saglasnost na prijedlog Operativnog plana, dostavlja se

Poštovani,

Vezano za prijedlog Operativnog plana borbe protiv korupcije JZU Zavod za bolesti ovisnosti Zeničko-dobojskog kantona, a nakon provedenog usaglašavanja istog sa sugestijama Ureda za borbu protiv korupcije, konstatujemo da prijedlog Operativnog plana borbe protiv korupcije JZU Zavod za bolesti ovisnosti Zeničko-dobojskog kantona:

- sadrži neophodne sastavne dijelove i
- zadovoljava principe i mjere utvrđene Akcionim planom za borbu protiv korupcije Vlade Zeničko-dobojskog kantona 2025-2027.

U vezi sa navedenim izražavamo zadovoljstvo aktivnostima na polju borbe protiv korupcije na području Zeničko-dobojskog kantona predviđenim kroz aktivnosti vaše institucije.

Vjerujemo da ćemo u planiranim rokovima realizovati i ostale aktivnosti, u čemu vam Ured za borbu protiv korupcije Zeničko-dobojskog kantona stoji na raspolaganju za sve vidove podrške i saradnje.

Potpisan i ovjeren Operativni plan potrebno je dostaviti poštom na adresu: Ured za borbu protiv korupcije ZDK, Kučukovići br. 2, Zenica.

S poštovanjem,

Dostavljeno:

1x Naslovu,

1x Koordinator,

1x a/a.



Sekretar Ureda
Dževad Fejzić

**OPERATIVNI PLAN
BORBE PROTIV
KORUPCIJE U
JZU ZAVOD ZA BOLESTI
OVISNOSTI
ZENIČKO-DOBOJSKOG
KANTONA
2025.-2027. godina**

Juni, 2025. godine



JAVNA ZDRAVSTVENA USTANOVA

**ZAVOD ZA BOLESTI OVISNOSTI
ZENIČKO-DOBOJSKOG KANTONA**

Zenica, Aska Borića 28.

Tel. 032 244 544, 032 201 320,
032 201 321, Fax: 032 201 322.
www.zedo-ovisnost.ba
e-mail zdkovisnosti@bih.net.ba

**OPERATIVNI PLAN BORBE PROTIV KORUPCIJE
JZU ZAVOD ZA BOLESTI OVISNOSTI
ZENIČKO-DOBOJSKOG KANTONA**

SADRŽAJ

I TEKSTUALNI DIO	4
1.1. Uvod	4
1.2. Svrha izrade Operativnog plana borbe protiv korupcije u JZU Zavod za bolesti ovisnosti Zeničko-dobojskog kantona	5
1.3. Pojam korupcije	5
1.4. Akcioni plan za provođenje Strategije za prevenciju i borbu protiv korupcije 2025.-2027. godine	6
1.5. JZU Zavod za bolesti ovisnosti Zeničko-dobojskog kantona	6
1.6. Regulatorni okvir rada	7
1.7. Interni pravni akti Zavoda	8
1.8. Vizija Zavoda za bolesti ovisnosti Ze-Do kantona	9
1.9. Misija Zavoda za bolesti ovisnosti Ze-Do kantona	9
1.10. Temeljni principi rada	10
1.11. Cilj i strateški principi rada Zavoda	10
1.12. Djelatnost Zavoda	10
1.13. Organizacija i rad Zavoda	11
1.14. Aktivnosti iz oblasti borbe protiv korupcije	12
1.15. Monitoring i koordinacija provođenja Operativnog plana	12
1.16. Vrijeme i način izvršenja Provođenje Operativnog plana	12
II TABELARNI PREGLED AKTIVNOSTI	13
2. OPERATIVNI PLAN BORBE PROTIV KORUPCIJE	13
JAVNE ZDRAVSTVENE USTANOVE ZAVOD ZA BOLESTI OVISNOSTI ZENIČKO-DOBOJSKOG KANTONA	

I TEKSTUALNI DIO

1.1. Uvod

Korupcija predstavlja jedan od najozbiljnijih izazova savremenih društava, jer ugrožava vladavinu prava, potkopava demokratske institucije i onemogućava ekonomski i društveni razvoj. Ona se ogleda u zloupotrebi javne funkcije radi ostvarivanja privatne koristi, a posljedice korupcije najteže pogađaju građane, posebno one u najranjivijim društvenim grupama. Zbog toga borba protiv korupcije nije samo pravno pitanje, već i temeljni zadatak svakog odgovornog društva.

Bosna i Hercegovina se već godinama suočava s ozbiljnim oblicima korupcije na različitim nivoima vlasti. Iako su doneseni brojni strateški dokumenti, zakoni i akcioni planovi, njihova primjena ostaje spora i neujednačena, često zbog nedostatka političke volje i funkcionalnog pravosuđa. Prema relevantnim međunarodnim izvještajima, BiH i dalje bilježi nizak stepen transparentnosti i povjerenja građana u institucije. U kontekstu evropskih integracija, borba protiv korupcije ima ključnu ulogu. Evropska unija kontinuirano naglašava važnost jačanja institucionalnog kapaciteta, neovisnosti pravosuđa i konkretnih rezultata u procesuiranju korupcije, posebno kada je riječ o korupciji na visokom nivou. U tom smislu, Bosna i Hercegovina je pozvana da uskladi svoje zakonodavstvo i praksu sa evropskim standardima i da pokaže stvarnu posvećenost reformama, koje su preduslov za napredak na putu ka članstvu u EU.

Bosna i Hercegovina, kao tranzicijska zemlja, u posljednje vrijeme preduzima određene sistematske aktivnosti na suprotstavljanju korupciji i do sada je usvajeno nekoliko strateških dokumenata za borbu protiv korupcije na državnom, entitetskim i nivou Brčko distrikta Bosne i Hercegovine, kao i nižim nivoima vlasti. Dosadašnji strateški dokumenti nisu adekvatno implementirani, što se konstatira i u izvještajima o napretku BiH (prilozi uz saopćenje Evropske komisije Evropskom parlamentu i Vijeću EU) za posljednjih nekoliko godina. Borba protiv korupcije je dug i kompleksan proces u kojem nema brzih i jednostavnih rješenja. Potrebno je provoditi kontinuirane aktivnosti, zbog čega je neophodno da se u cilju nadogradnje i kontinuiteta Strategije za borbu protiv korupcije i Akcionog plana za njeno provođenje nastavi sa strateškom borbom protiv korupcije. Iako Akcioni planovi za provođenje Strategije za borbu protiv korupcije jasno propisuju mjere i institucije zadužene za realizaciju mjera, te rokove izvedbe, sama Agencija sa svojim kapacitetima ne može postići neke rezultate, bez koordinacije i pomoći institucija i nevladinog sektora, te, naravno građana.

Vlada Zeničko-dobojskog kantona je u martu 2017. godine na preporuku Agencije za prevenciju korupcije i koordinaciju borbe protiv korupcije BiH (u daljem tekstu: APIK) usvojila Akcioni plan za borbu protiv korupcije Vlade Zeničko-dobojskog kantona za period 2017-2019 godina. Iako je Vlada Zeničko-dobojskog kantona bila svjesna činjenice da je neophodno najprije ili istovremeno usvojiti Strategiju za borbu protiv korupcije, a tek potom Akcioni plan koji operacionalizira strateške ciljeve i strateške programe iz Strategije, ipak se zbog preporuka krovne antikorupcijske institucije u BiH odnosno APIK-a, opredijelila na navedeni redoslijed usvajanja antikorupcijskog strateškog okvira. Ovaj antikorupcijski strateški okvir predstavlja prvi strateški okvir usvojen na području Zeničko-dobojskog kantona.

Pored gore navedenih stvarnih i praktičnih razloga za donošenje strateškog okvira za borbu protiv korupcije, Zeničko-dobojski kanton je i u formalnoj (zakonskoj obavezi) dužan da osigura uvjete za daljnju izgradnju i unapređenje postojećeg antikorupcijskog strateškog okvira na cijelom svom području u skladu sa svojim ustavnim i zakonskim nadležnostima. Naime, proces pristupanje Evropskoj uniji strateški je prioritet BiH, a borba protiv korupcije jedan je od ključnih izazova vladavine prava, kao i samodorživog ekonomskog razvoja i kvalitete življenja svakog građanina u BiH. U većini država iz procesa proširenja Unije, u koje se ubraja i BiH, povezan je sa poštivanjem pitanja osnovnih ljudskih prava, radom pravosudnih organa i institucija, pravdom i unutrašnjim poslovima. Budući da se borbi protiv korupcije posvećuje pažnja već u ranoj fazi procesa pristupanja Evropskoj uniji, a da se otvaranje odgovarajućih poglavlja temelji na uvjerljivim rezultatima, BiH treba pokazati odlučnost u preduzimanju konkretnih, sveobuhvatnih i održivih aktivnosti na suprotstavljanju korupcijskim praksama. Pored toga, Zakon o Agenciji za prevenciju i koordinaciju borbe protiv korupcije (u daljem tekstu: Zakon o Agenciji/APIK-u) nalaže obavezu i kantonalnim vlastima da usvoje vlastite strateške okvire za borbu protiv korupcije.

1.2. Svrha izrade Operativnog plana borbe protiv korupcije u JZU Zavod za bolesti ovisnosti Zeničko-dobojskog kantona

Svrha donošenja Operativnog plana za borbu protiv korupcije u Zavodu za bolesti ovisnosti jeste da se kroz konkretne aktivnosti, mjere i rokove unaprijedi integritet, transparentnost i odgovornost u radu Zavoda. Plan ima za cilj prevenciju koruptivnih rizika, jačanje internih kontrola i izgradnju profesionalne etike zaposlenih i njime se pokreću aktivnosti iz Akcionog plana za provođenje Strategije za prevenciju i borbu protiv korupcije 2025.-2027. godine. Njegova implementacija doprinosi jačanju povjerenja građana i partnera, te predstavlja dio šire obaveze Zavoda da aktivno učestvuje u borbi protiv korupcije u skladu sa zakonodavstvom Bosne i Hercegovine i evropskim standardima.

1.3. Pojam korupcije

Prema Zakonu o Agenciji za prevenciju korupcije i koordinaciju borbe protiv korupcije („Službeni glasnik BiH“, broj: 103/09 i 58/13) korupcija je svaka zloupotreba moći povjerene javnom službeniku ili licu na političkom položaju, državnom, entitetskom, kantonalnom nivou, nivou Brčko-Distrikta Bosne i Hercegovine, gradskom ili općinskom nivou, koja može dovesti do privatne koristi. Korupcija posebno može uključivati direktno ili indirektno zahtjevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita. Institucije i pojedinci koji će učestvovati u provođenju Strategije trebaju biti svjesni toga da korupcija postoji ukoliko dođe do namjernog narušavanja principa nepristrasnosti pri odlučivanju u cilju prisvajanja neke pogodnosti. Definiranje korupcije važno je kako bi se ova pojava razlikovala od slučajeva kada je pristrasnost u odlučivanju posljedica predrasuda ili naklonosti, a ne namjere da se ostvari neka pogodnost za sebe ili drugog, kao i od situacija u kojima je štetna odluka plod manjka informacija ili znanja kojim donosilac odluke raspolaže.

Korupcija negativno utječe na ekonomske tokove stvarajući nepredvidive troškove za investitore, što ih obeshrabruje od ulaganja u budućnost. To dovodi do porasta sive ekonomije i smanjenja prihoda države zbog izbjegavanja plaćanja poreza, carina i drugih davanja. Osim toga, povećava administrativne troškove, troškove roba i usluga te smanjuje ukupnu produktivnost. Društveno gledano, korupcija mijenja kompletan sistem vrijednosti, često normalizirajući ili opravdavajući ilegalno ponašanje, osobito koruptivne prakse. U političkom smislu, podriva legitimnost i ugled vladinih institucija, ugrožava načela pravne države i potiče nepovjerenje građana prema vlasti, izazivajući političku nestabilnost i produbljujući jaz između političke elite i običnih građana. Korupcija predstavlja izuzetan rizik za zemlje koje se nalaze u procesu tranzicije, kao što je Bosna i Hercegovina, gdje demokratski, institucionalni i etički sistemi još nisu dovoljno čvrsto utemeljeni. U ovakvim državama nedostaju adekvatni pravni i politički mehanizmi za potpunu kontrolu korištenja javnih ovlasti, što rezultira zloupotrebom moći, odnosno - korupcijom.

1.4. Akcioni plan za provođenje Strategije za prevenciju i borbu protiv korupcije 2025.-2027. godine

Zakonom o razvojnom planiranju i upravljanju razvojem u Federaciji Bosne i Hercegovine ("Službene novine Federacije BiH", broj: 32/17) propisana je obaveza izrade strateških dokumenata, te trogodišnjeg i godišnjeg planiranja rada. Akcioni plan borbe protiv korupcije Vlade Zeničko-dobojskog kantona 2025-2027 je implementacioni dokument koji operacionalizira strateške ciljeve i mjere iz Strategije za borbu protiv korupcije Zeničko-dobojskog kantona 2022-2026, te operacionalizira nadležnosti Ureda za borbu protiv korupcije i ostalih subjekata provodilaca antikorupcijskih aktivnosti. Navedenim akcionim planom predviđene su konkretne aktivnosti neophodne za realizaciju strateških ciljeva, rokovi za realizaciju, institucije nadležne za provođenje, jasni inikatori uspjehnosti i eventualni neophodni resursi za provedbu svake pojedinačne aktivnosti. U tom cilju, Ured za borbu protiv korupcije Zeničko-dobojskog kantona je svoje aktivnosti usmjerio ka koordinaciji svih subjekata, organa i organizacija, kao i institucija, u kontekstu uloge koju ZDK ima u procesu provođenja antikorupcijskih aktivnosti.

1.5. JZU Zavod za bolesti ovisnosti Zeničko-dobojskog kantona

JZU Zavod za bolesti ovisnosti Zeničko-dobojskog kantona aktivno učestvuje u ispunjavanju svih obaveza i mjera u okviru aktuelno važećeg Akcionog plana za borbu protiv korupcije Vlade Zeničko-dobojskog kantona, te kontinuirano provodi aktivnosti iz oblasti borbe protiv korupcije.

Izradom strateških dokumenata za borbu protiv korupcije u Zavodu za bolesti ovisnosti Zeničko-dobojskog kantona za vremenski okvir 2025-2027. godine, Zavod se pridružuje procesu provođenja antikorupcijskih aktivnosti koje su predviđene Akcionim planom za borbu protiv korupcije, a sve u cilju borbe za bolji i kvalitetniji život zaposlenika i pacijenata Zavoda.

Odlukom Vlade Zeničko-dobojskog kantona o preuzimanju prava i obaveza osnivača i usklađivanju organizacije i poslovanja Javne zdravstvene ustanove Kantonalni Zavod za borbu protiv bolesti

ovisnosti Zeničko-dobojskog kantona broj: 01-37-16098/12 od 20. 7. 2012. godine promijenjen je naziv ustanove u Zavod za bolesti ovisnosti Zeničko-dobojskog kantona. Istim aktom usklađena je djelatnost Zavoda, a na osnovu Odluke o klasifikaciji djelatnosti BiH („Službene novine BiH“, broj: 47/10) i definisani su izvori i načini obezbjeđivanja sredstava za rad i raspolaganje viškom prihoda nad rashodima. U skladu sa pomenutom Odlukom, Zavod je izvršio usklađivanje svih općih akata ustanove. Nakon prihvaćene inicijative Zavoda, za usklađivanje člana 2. Odluke o preuzimanju prava i obaveza osnivača i usklađivanju organizacije i poslovanja Javne zdravstvene ustanove Kantonalni zavod za borbu protiv bolesti ovisnosti, Skupština Zeničko-dobojskog kantona donijela je Odluku o izmjenama Odluke o preuzimanju prava i obaveza osnivača koje se odnose na naziv Ustanove i njenu djelatnost, po kojoj ustanova dobiva konačan naziv Javna zdravstvena ustanova Zavod za bolesti ovisnosti Zeničko-dobojskog kantona (Službene novine Zeničko-dobojskog kantona, broj: 11/2018 od 03.8.2018. godine). Shodno donesenoj Odluci i ukazanoj potrebi za tehničkim poboljšanjem teksta Statuta, broj: 338-III-2/12 U.O od 31. 8. 2012. godine pristupilo se usklađivanju Statuta. Upravni odbor je na svojoj 15. sjednici 9. 11. 2018. godine donio odluku o usvajanju Statuta JZU Zavoda za bolesti ovisnosti Ze-Do kantona na kojeg je Vlada Zeničko-dobojskog kantona je na svojoj 171. sjednici održana dana 30. 11. 2018. dala saglasnost Zaključkom broj: 02-1-17670/18 od 30. 11. 2018. godine.

Upis u sudski registar izvršen je dana 5. 12. 2005. godine po brojem U/I-2193/05 od kada i počinje zvaničan rad Zavoda. U skladu sa već pomenutim, izvršena je preregistracija Zavoda u Općinskom sudu u Zenici Rješenjem o izmjenama podataka br. 043-0-Reg-12-000898 od 3. 9. 2012. godine. Shodno novoj Odluci, izvršena je i nova preregistracija kod Općinskog suda u Zenici Rješenjem o izmjenama podataka, broj: 043-0-Reg-18-001396 od 7. 12. 2018 godine.

Osnivač Zavoda je Skupština Zeničko-dobojskog kantona.

Sjedište Zavoda je u Zenici, u Ulici Aska Borića 28.

Identifikacioni broj Zavoda je: 4218500470003

1.6. Regulatorni okvir rada

Regulatorni okvir rada Zavoda između ostalih čine sljedeći temeljni propisi :

- Strateški plan razvoja zdravstva u FBiH, Federalno ministarstvo zdravstva,
- Zakon o radu,
- Zakon o zdravstvenoj zaštiti,
- Zakon o liječništvu,
- Zakon o sestrinstvu i primaljstvu, SN
- Zakon o zabrani diskriminacije,
- Zakon o štrajku,
- Zakon o volontiranju,
- Zakon o evidencijama u oblasti zdravstva,
- Zakon o profesionalnoj rehabilitaciji, osposobljavanju i zapošljavanju lica sa invaliditetom,
- Zakon o zapošljavanju stranaca,
- Zakon o zaštiti od požara i vatrogastvu,
- Zakon o zaštiti na radu,
- Zakonu o zaštiti stanovništva od zaraznih bolesti,
- Zakon o zaštiti ličnih podataka,

- . Pravilnik o uslovima za utvrđivanje radnih mjesta sa posebnim uslovima rada i ljeekarskih pregledima radnika na tim radnim mjestima,
- Pravilnik o načinu vršenja zdravstvenih pregleda na kliconoštvo,
- Pravilnik o kriterijima za provjeru zdravstvene sposobnosti lica koja obavljaju poslove zaštite ljudi i imovine,
- Pravilnik o autorizaciji pravnih lica koja obavljaju zdravstvene preglede i načinu obavljanja zdravstvenih pregleda lica profesionalno izloženih jonizirajućem zračenju,
- Pravilnik o načinu provođenja obavezne imunizacije,
- Pravilnik o specijalizacijama i subspecijalizacijama doktora medicine, doktora stomatologije, magistara farmacije i inženjera medicinske biohemije,
- Pravilnik o načinu i postupku odobravanja specijalizacija odnosno supspecijalizacija državljanima Bosne i Hercegovine na lični zahtjev,
- Pravilnik o pripravničkom stažu i stručnom ispitu zdravstvenih radnika,
- Pravilnik o kriterijima za prijem specijalizanata,
- Pravilnik o kriterijima za prijem subspecijalizanata,
- Pravilnik o uvjetima i načinu priznavanja pripravničkog staža i stručnog ispita zdravstvenih radnika koji je obavljen i položen u inostranstvu,
- Pravilnik o uvjetima, kao i kriterijima i postupku za dodjelu naziva primarijus,
- Pravilnik o sadržini i načinu vođenja evidencije o radnicima i drugim osobama angažiranim na radu,
- Pravilnik o postupku izdavanja licence, kao i sadržaju i izgledu licence,
- Pravilnik o ocjenjivanju radne sposobnosti u penzijskom i invalidskom osiguranju,
- Pravilnik o postupku utvrđivanja radnih mjesta na kojima se staž osiguranja računa sa uvećanim trajanjem,
- Pravilnik o načinu, postupku i uvjetima, kao i drugim pitanjima od značaja za organiziranje i obavljanje dopunskog rada zdravstvenih radnika u zdravstvenoj ustanovi ili privatnoj praksi,
- Pravilnik o postupku i kriterijima za utvrđivanje privremene spriječenosti za rad osiguranika,
- Opći kolektivni ugovor za teritoriju Federacije Bosne i Hercegovine,
- Uredba o postupku prijema u radni odnos u javnom sektoru FBiH,
- Kolektivni ugovor za oblast zdravstva (kantonalni)
- Strukovni etički kodeks

1.7. Interni pravni akti Zavoda

1. Statut Javne zdravstvene ustanove Zavoda za bolesti ovisnosti Zeničko-dobojskog kantona;
2. Pravilnik o radu JZU Zavod za bolesti ovisnosti Zeničko-dobojskog kantona;
3. Pravilnik o unutrašnjoj organizaciji i sistematizaciji radnih mjesta JZU Zavoda za bolesti ovisnosti Zeničko-dobojskog kantona;
4. Pravilnik o obrazovanju i usavršavanju zaposlenika JZU Zavoda za bolesti ovisnosti Zeničko-dobojskog kantona;
5. Pravilnik o javnim nabavkama;
6. Pravilnik o zaštiti od požara;
7. Pravilnik za postupanje Zavoda za bolesti ovisnosti Zeničko-dobojskog kantona u slučajevima diskriminacije (prevencija, zaštita i sankcije);

8. Pravilnik o zaštiti na radu;
9. Poslovnika o radu stručnog vijeća Zavoda;
10. Pravilnik za prevenciju i sprečavanje korupcije, 2020. godine;
11. Poslovnika o radu Upravnog odbora JZU Zavod za bolesti ovisnosti Zeničko-dobojskog kantona;
12. Poslovnika o radu Etičkog komiteta;
13. Poslovnika o radu Komisija za lijekove;
14. Poslovnika o radu Komisije za prigovore pacijenata;
15. Poslovnika o radu Komisije za poboljšanje kvalitete i sigurnosti u zdravstvu.

1.8. Vizija Zavoda za bolesti ovisnosti Ze-Do kantona

Zavod za bolesti ovisnosti Zeničko-dobojskog kantona je ustanova koja će svojim stručnim i profesionalnim pristupom prevencije, tretmana i rehabilitacije bolesti ovisnosti prevazići kantonalne i entitetske okvire i postati regionalni edukativni i terapijski centar za bolesti ovisnosti.

Opći cilj borbe protiv korupcije je njena prevencija i potpuna eliminacija unutar svih organizacionih dijelova i svih procesa, što će voditi ka jačanju povjerenja javnosti, osiguranih lica i pravnih i fizičkih lica koji su obveznici uplate oprinosa za zdravstveno osiguranje, a time i jačanju ugleda Zavoda. Zbog toga je za Zavod zdravstvenog osiguranja Zeničko-dobojskog kantona od izuzetne važnosti provedba mjera Akcionog plana za provođenje Strategije u borbu protiv korupcije, te ćemo u periodu koji je pred nama dati sve od sebe na poduzimanju mjera kojima bi se povećala otpornost sistema na korupciju pri postojećim uslovima, gdje donošenje Operativnog plana i Plana integriteta predstavlja jedan od najkorisnijih i najefikasnijih mehanizama.

1.9. Misija Zavoda za bolesti ovisnosti Ze-Do kantona

Zavod za bolesti ovisnosti Zeničko-dobojskog kantona je specijalizovana zdravstvena ustanova u pružanju usluga iz oblasti prevencije ovisnosti, tretmana i rehabilitacije ovisnika uz primjenu savremenih metoda u ambulantnim i stacionarnim uslovima, uz kontinuirano stručno unapređivanje, a u cilju poboljšanja i unapređenja kvalitete života stanovništva na području Zeničko-dobojskog kantona.

Da bi ostvarili misiju u Zavodu za bolesti ovisnosti Ze-Do kantona, osim vrijednosti koje se promoviraju fokusirane na pacijenta, tu je briga za sve zaposlene, za njihov timski rad, radnu etiku i napredovanje. Za zaposlene se stvara okruženja u kojem se prepoznaje kvalitetan i human rad, učenje i usavršavanje zaposlenih da prihvataju promjene i budu otvoreni za nove inicijative. Kroz timski rad podstičemo zaposlene da demonstriraju posvećenost timskom radu, zajedničkim ciljevima, da pomažu jedni drugima, da budu uspješni i da sarađuju i grade partnerske odnose sa našim klijentima. Radna etika zaposlenih se shvata kao težnja najvećim standardima poštenja, integriteta i profesionalizma, te djelovanje bez predrasuda po bilo kojoj osnovi s imperativom na čuvanju medicinskih tajni.

1.10. Temeljni principi rada

- jednakost,
- nediskriminacija,
- zakonitost,
- pravičnost,
- humano postupanje,
- profesionalnost,
- usmjerenost ka zajedničkim ciljevima.

1.11. Cilj i strateški principi rada Zavoda

Sve aktivnosti Zavoda imaju za cilj da se unapređenjem kvaliteta zdravstvene usluge postigne što veće zadovoljstvo pacijenata i pozitivni rezultati rada i poslovanja. U Programe primarne prevencije uključiti što veći broj adolescenata i mladih ljudi sa ciljem razvijanja svijesti i otpora prema psihoaktivnim supstancama, kao i neprilagođenom i patološkom ponašanju. Permanentno unapređivati znanje zaposlenih putem programa kontinuirane interne i eksterne edukacije sa ciljem ostvarivanja što kvalitetnije zdravstvene usluge. Iz toga proizilaze strateški principi u radu Zavoda:

- Visoki kvalitet zdravstvene usluge;
- Kontinuirana medicinska edukacija osoblja, kroz stalno stručno unapređivanje postojećih programa liječenja i uspostavljanje novih u skladu sa preporukama SZO;
- Multidisciplinarni timski pristup,
- Primarna prevencija i rano otkrivanje poremećaja;
- Monitoring i evaluacija svih segmenata rada;
- Multisektorijalna saradnja;
- Pozitivno finansijsko poslovanje;
- Medijska promocija rada ustanove.

1.12. Djelatnost Zavoda

U skladu sa Zakonom o zdravstvenoj zaštiti i Odlukom o klasifikaciji djelatnosti Bosne i Hercegovine („Službeni glasnik BiH“, broj: 47/10), Statutom Zavoda na koji je Skupština Zeničko-dobojskog kantona dala svoju saglasnost Zavod obavlja sljedeće djelatnosti:

- 86.10 - djelatnosti bolnica;
- 86.22 - djelatnosti specijalističke medicinske prakse;
- 86.90 - ostale djelatnosti zdravstvene zaštite;

U skladu sa naprijed navedenim zakonskim odredbama, utvrđena je djelatnost Zavoda:

- stacionarna i ambulantno-poliklinička zdravstvena zaštita sa rehabilitacijom oboljelih ovisnika,
- planira, predlaže i provodi mjere primarne prevencije za očuvanje i unapređenje zdravlja u segmentu ovisnosti;
- dijagnostiku, terapiju, sekundarnu i tercijarnu prevenciju, rehabilitaciju i socijalnu

reintegraciju ovisnika;

- provođenje programa supstitucione terapije prema standardima Svjetske zdravstvene organizacije;
- vođenje registra bolesti ovisnosti;
- ostvaruje saradnju sa zdravstvenim ustanovama svih nivoa zdravstvene zaštite;
- ostvaruje saradnje sa ustanovama koje kroz svoju djelatnost mogu biti uključene u borbu protiv bolesti ovisnosti (osnovne i srednje škole, prosvjetno-pedagoški zavodi, visokoškolske ustanove, centri za socijalni rad, nevladine organizacije, sportska udruženja, udruženje građana i roditelja);
- provodi istraživački rad i statističku obradu iz oblasti ovisnosti;
- organizuje i /ili provodi programe smanjenja štete za lica koja injektiraju droge;

1.13. Organizacija i rad Zavoda


Odlukom Vlade Zeničko-dobojskog kantona o preuzimanju prava i obaveza osnivača i usklađivanju organizacije i poslovanja izvršeno je usklađivanje svih općih akata Zavoda.

U skladu sa opštim aktima Zavoda svoju javno-zdravstvenu djelatnost obavlja putem organizacionih jedinica. Osnovne organizacione jedinice obrazuju se za vršenje poslova i zadataka, iz jedne ili više oblasti, iz djelokruga Zavoda.

Prilog: Šema organizaciono-funkcionalne strukture Zavoda, utvrđuje se na sljedeći način:

PRILOG 2.

Šema organizaciono-funkcionalne strukture Zavoda, utvrđuje se na sljedeći način:



1.14. Aktivnosti iz oblasti borbe protiv korupcije

JZU Zavod za bolesti ovisnosti Zeničko-dobojskog kantona je u proteklom periodu proveo niz aktivnosti iz oblasti borbe protiv korupcije u smislu pristupa sagledavanju radnih procesa i identifikaciji rizika koji narušavaju integritet institucije.

Nakon imenovanja koordinatora i zamjenika koordinatora, odlukom direktora broj: 05-37- 591/22 oformljena je i Radna grupa za izradu Plana integriteta JZU Zavoda za bolesti ovisnosti Zeničko-dobojskog kantona. U Radnu grupu je imenovano 5 zaposlenih (od kojih su jedna pravnik i jedna ekonomistkinja), pa sa koordinatoricom i zamjenicom, Radna grupa broji ukupno 7 članova. Aktom Ureda za borbu protiv korupcije dato je pozitivno mišljenje na predloženi Plan integriteta JZU Zavod za bolesti ovisnosti Zeničko-dobojskog kantona, broj: 21-01-11347/24 od 19.06.2024. godine.

U proteklom periodu došlo je do ostavke koordinatora za antikorupciju u Zavodu za bolesti ovisnosti, te se u narednom periodu očekuje imenovanje novog koordinatora iz reda uposlenih, a koji će revidirati prethodno usvojeni Plan integriteta i nastaviti sa započetim procesima iz ove oblasti.

1.15. Monitoring i koordinacija provođenja Operativnog plana

Koordinator antikorupcijskih aktivnosti Zavoda za bolesti ovisnosti Zeničko-dobojskog kantona će kontinuirano:

- Pratiti implementaciju Operativnog plana, odnosno vršiti prikupljanje podataka, sačinjavati analize i o tome polugodišnje izvještavati Ured za borbu protiv korupcije i menadžment Zavoda za bolesti ovisnosti;
- Vršiti koordinaciju između svih subjekata obuhvaćenih Akcionim planom;

1.16. Vrijeme i način izvršenja Provođenje Operativnog plana

Operativni plan borbe protiv korupcije Zavoda za bolesti ovisnosti realizovat će se kontinuirano u periodu 2025.-2027.godina.

II TABELARNI PREGLED AKTIVNOSTI

2. OPERATIVNI PLAN BORBE PROTIV KORUPCIJE JAVNE ZDRAVSTVENE USTANOVE ZAVOD ZA BOLESTI OVISNOSTI ZENIČKO-DOBOJSKOG KANTONA

Operativni plan je usklađen sa AKCIONIM PLANOM 2025-2027 ZA PROVOĐENJE STRATEGIJE ZA BORBU PROTIV KORUPCIJE				
STRATEŠKI CILJ 1				
Uspostava normativnog i strateškog okvira za efikasnu prevenciju korupcije i koordinaciju borbe protiv korupcije - nastavak jačanja institucionalnih kapaciteta				
Strateška mjera 1.1.				
Dalja implementacija i strateški okvir za prevenciju i borbu protiv korupcije Zeničko-dobojskog kantona				
Broj iz AP	Aktivnost	Zaduženo lice za koordinaciju i implementaciju	Rok za provedbu	Planirani rezultati (indikator)
1.1.2.	Usvojiti ili revidirati vlastiti plan djelovanja protiv korupcije u skladu sa ciljevima i mjerama ovog Akcionog plana	Koordinator antikorupcijskih aktivnosti u saradnji sa svim službama Zavoda	Dva mjeseca nakon usvajanja Akcionog plana	Izrađen i usvojen Operativni plan borbe protiv korupcije JZU Zavod za bolesti ovisnosti ZDK za period 2025.-2027. godine, operativan
Strateška mjera 1.3.				
Jačanje kapaciteta za prevenciju i borbu protiv korupcije u institucijama				
Broj iz AP	Aktivnost	Zaduženo lice za koordinaciju i implementaciju	Rok za provedbu	Planirani rezultati (indikator)

1.3.2.	Obezbjediti aktivno učestvovanje uposlenika na predavanjima i obukama iz oblasti sprečavanja korupcije	- Direktor Zavoda - Koordinator antikorupcijskih aktivnosti	Kontinuirano	Dodatno usavršavanje iz oblasti korupcije za koordinatora antikorupcijskih aktivnosti i drugih radnika Zavoda
1.3.3.	Kontinuirano promovirati mehanizme za prijavljivanje korupcije	- Ured direktora - Služba za ekonomske i pravne poslove - Informatičar u zdravstvu	Kontinuirano	Istaknute vidljive informacije o prijavi korupcije u prostorijama Zavoda za bolesti ovisnosti i web stranici; Dosljedna primjena Zakona o slobodi informacija Informisanje Ureda za borbu protiv korupcije o provedenim promocijama kroz izvje
STRATEŠKI CILJ 2				
Razvijanje, promoviranje i provođenje preventivnih antikorupcijskih aktivnosti u institucijama i javnom sektoru ZDK				
Strateška mjera 2.1.				
Unapređenje proaktivne transparentnosti				
Broj iz AP	Aktivnost	Zaduženo lice za koordinaciju i implementaciju	Rok za provedbu	Planirani rezultati (indikator)
2.1.1.	Promovisati i unaprijediti proaktivan pristup u osiguranju javnosti rada organa/institucija vlasti Zeničko-dobojskog kantona (ZOSPI)	Ured direktora Služba za ekonomske i pravne poslove	Kontinuirano	Objavljeni izvještaji o radu Zavoda (kvartalni ili godišnji) dostupni javnosti; Redovno informisanje građana putem društvenih mreža o aktivnostima Zavoda Otvoreni kanali za komunikaciju sa građanima i pacijentima

2.1.2.	Imenovati službenika za informisanje (u skladu sa Zakonom o slobodni pristupa informacija) i izraditi vodič i indeks registra informacija u onim organima/institucijama gdje to još nije urađeno	Direktor Zavoda	Do januara 2026. godine	Izrađen vodič i indeks registra informacija; Imenovan službenik za informisanje;
2.1.3.	Pratiti realizaciju Zakona o slobodi pristupa informacijama i izvještavati javnost i institucije o tome, te unaprijediti njihovo provođenje	Ured direktora Služba za ekonomske i pravne poslove	Kontinuirano	Reevidirati vodiče za pristup informacijama, povećati broj internih akata Zavoda iz ove oblasti, smanjen broj kršenja ovih prava
2.1.5.	Implementirati smjernice o minimalnim sadržajima web-stranice svih institucija	Ured direktora Služba za ekonomske i pravne poslove Informatičar u zdravstvu	Do januara 2027. godine	Web-stranica Zavoda sadrži sve elemente propisane minimalnim sadržajima; Povećana dostupnost informacija za građane i pacijente Zavoda Smanjen prostor za netransparentan rad Web stranica ažurirana i funkcionalna
Strateška mjera 2.2.				
Jačanje prevencije korupcije u javnim institucijama				

Broj	Aktivnost	Institucija odgovorna za koordinaciju implementacije i nosioci	Rok za provedbu	Planirani rezultati (indikatori)
2.2.1.	Pojačati interni (iznenadne kontrole, interne revizije itd.) i eksterni (revizija, inspeksijska kontrola i sl.) nadzor u onim oblastima rada u kojima je na temelju pregleda rizika ustanovljen rizik od korupcije	Direktor Zavoda	Kontinuirano	Povećana otkrivenost i smanjenje koruptivnih ponašanja u područjima visokog rizika kroz pojačan i redovan inspeksijski nadzor Smanjen broj koruptivnih radnji kroz pojačan nadzor i evaluaciju rizičnih sektora Unaprijeđena kontrola i transparentnost u radu

2.2.2.	Dostavljati i analizirati podataka o angažovanju lica na osnovu ugovora o djelu, ugovora o privremenim i povremenim poslovima i ostalim ugovorima za sve organe/institucije Zeničko-dobojskog kantona	Direktor Zavoda Služba za ekonomske i pravne poslove	Jednom godišnje	Analiza ugovora i dostavljeni izvještaji Uredu jednom godišnje
Strateška mjera 2.3.				
Razvijanje kulture integriteta i etičnosti u javnim institucijama u ZDK				
Broj iz AP	Aktivnost	Zaduženo lice za koordinaciju i implementaciju	Rok za provedbu	Planirani rezultati (indikator)
2.3.1.	Ažurirati Registar rizika potreban za pripremu planova integriteta	Koordinator za antikorupcijske aktivnosti Direktor Zavoda Sve službe i Odjeljenja	Do februara 2026. godine	Registar rizika u Zavodu za bolesti ovisnosti ažuriran
2.3.2.	Usvajati planove integriteta u institucijama Zeničko-dobojskog kantona u kojima to do sada nije učinjeno	Koordinator za antikorupcijske aktivnosti Direktor Zavoda Sve službe i Odjeljenja	Tokom 2025. i 2026. godine	Usvojen Plan integriteta Zavoda
2.3.3.	Ažurirati planove integriteta u organima/institucijama Zeničko-dobojskog kantona	Koordinator za antikorupcijske aktivnosti Direktor Zavoda Sve službe i Odjeljenja	Od 2025. godine do 2027. godine	Ažuriran Plan integriteta Zavoda
2.3.4.	Vršiti nadzor nad provođenjem plana integriteta i ostalih antikorpucijskih dokumenata, te o tome u periodu 01.11.-30.11. tekuće godine izvještavati Ured	Koordinator za antikorupcijske aktivnosti Direktor Zavoda	Kontinuirano, do 30.11.25.	Stalni nadzor nad antikorpucijskim dokumentima Zavoda i izvještavati Ured o provedenom nadzoru nad planom integriteta
Strateška mjera 2.5.				
Unaprijediti sistem digitalizacije antikorpucije				

Broj	Aktivnost	Institucija odgovorna za koordinaciju implementacije i nosioci	Rok za provedbu	Planirani rezultati (indikatori)
2.5.1.	Ažurirati sistem prikupljanja i objave podataka u Zeničko-dobojskom kantonu: Evidencija zaposlenih, Evidencija imenovanih, Evidencija revizije diploma, evidencija nosilaca javnih funkcija, izabranih i imenovanih lica imovine i poklona	Direktor Zavoda Služba za ekonomske i pravne poslove	Prva godina provedbe Akcionog plana, nakon toga kontinuirano	Dostavljeni podaci Uredu se objavljuju na web stranici Kantona.
2.5.2.	Uspostaviti sistem prikupljanja i objave podataka u Zeničko-dobojskom kantonu: evidencija subvencija poticaja, transfera i grantova, obrta, privrednih subjekata, neprofitnih organizacija, e-nabavke.	Direktor Zavoda Služba za ekonomske i pravne poslove	Prva godina provedbe Akcionog plana, nakon toga kontinuirano	Dostavljeni podaci Uredu se objavljuju na web stranici Kantona.
STRATEŠKI CILJ 3				
Razvijanje, promoviranje i provođenje preventivnih antikorupcijskih aktivnosti u odnosu javni/privatni sektor				
Strateška mjera 3.3.				
Povećati transparentnost u procesu javnih nabavki				
Broj	Aktivnost	Institucija odgovorna za koordinaciju implementacije i nosioci	Rok za provedbu	Planirani rezultati (indikatori)

3.3.1.	Osnajivanje kadrovskih kapaciteta za provođenje javnih nabavki	Direktor Zavoda Služba za ekonomske i pravne poslove	Kontinuirano	Povećan broj uposlenika osposobljeni i certificirani za provođenje javnih nabavki Smanjen broj proceduralnih grešaka u postupcima nabavki Povećana transparentnost i efikasnost u provođenju javnih nabavki Usklađenost sa zakonskim i podzakonskim aktima iz oblasti javnih nabavki
3.3.2.	Dosljedno provoditi zakonom propisane obaveze objavljivanja planova javnih nabavki, odluka o izboru i dr. propisanih obaveza	Direktor Zavoda Služba za ekonomske i pravne poslove Informatičar u zdravstvu	Kontinuirano	Sve propisane odluke i planovi objavljuju se na web-stranici i na portalu EJN
Strateška mjera 3.5.				
Jačanje prevencije i borbe protiv korupcije u sektoru zdravstva				
Broj	Aktivnost	Institucija odgovorna za koordinaciju implementacije i nosioci	Rok za provedbu	Planirani rezultati (indikator)
3.5.3.	Provesti anonimnu anketu u zdravstvenim ustanovama o percepciji korupcije i pojavnim oblicima korupcije među zaposlenima i pacijentima, s ciljem prikupljanja podataka za planiranje antikorupcijskih mjera u zdravstvu	Koordinator za antikorupcijske aktivnosti Direktor Zavoda	Kontinuirano	Provedena anketa među uposlenicima i pacijentima sa predloženim preporukama

3.5.4.	Promovisati prava građana na pristup zdravstvenim uslugama i načine zaštite tih prava, uključujući jasne kanale za prijavu neregularnosti i nepravilnosti u zdravstvenom sistemu Zeničko-dobojskog kantona, kroz edukaciju, informativne kampanje i uspostavu povjerljivih kanala za prijave.	Koordinator za antikorupcijske aktivnosti Direktor Zavoda Sve službe i Odjeljenja	Kontinuirano nakon provedene ankete	Posvećenost pravima pacijenata kroz izrade vodiča o pravima pacijenata koji će biti javno dostupni pacijentima na web stranici Zavoda
3.5.5.	Educirati radnike u zdravstvu o važnosti sprečavanja korupcije	Koordinator za antikorupcijske aktivnosti u saradnji sa Uredom za borbu protiv korupcije,	Kontinuirano	Povećan broj educiranih radnika o važnosti sprečavanja korupcije u zdravstvu
Strateška mjera 3.6.				
Jačati prevenciju i borbu protiv korupcije u sektoru obrazovanje				
Broj	Aktivnost	Institucija odgovorna za koordinaciju implementacije i nosioci	Rok za provedbu	Planirani rezultati (indikatori)
3.6.1.	Provjeravati vjerodostojnost diploma/svjedočanstava pri svakom novom upošljavanju u javnom sektoru Zeničko-dobojskog kantona	Direktor Zavoda Služba za ekonomske i pravne poslove	Najkasnije dva mjeseca po prijemu novih kadrova	Provjerena vjerodostojnost diploma svih radnika u Zavodu i blagovremeno izvještavati Ured o izvršenoj provjeri novoupisanih u Zavodu
3.6.2.	Postupati po prijavama o nevjerođostojnosti obrazovnih isprava u javnom sektoru Zeničko-dobojskog kantona	Direktor Zavoda Služba za ekonomske i pravne poslove	Kontinuirano	Formalizovan postupak provjere diploma 100% provjerenih novih obrazovnih isprava Evidentirane i riješene prijave

STRATEŠKI CILJ 4				
Unapređenje djelotvornosti i efikasnosti inspeksijskih, policijskih i pravosudnih institucija u otkrivanju i procesuiranju koruptivnih krivičnih djela				
Strateška mjera 4.3.				
Upravljanje rizicima od korupcije u kriznim situacijama i uslovima kriznog odlučivanja				
Broj	Aktivnost	Institucija odgovorna za koordinaciju implementacije i nosioci	Rok za provedbu	Planirani rezultati (indikatori)
4.3.2.	Provoditi plan aktivnosti preventivnog djelovanja i upravljanja rizicima od korupcije u kriznim situacijama	Direktor Zavoda Služba za ekonomske i pravne poslove	Kontinuirano za vrijeme trajanja nastale krizne situacije	Periodično ili na zahtjev izvještavanje o provedbi aktivnosti
4.3.3.	Redovno informisati, razmjenjivati podatke i iskustava na osnovu provedbe plana aktivnosti, održavati redovne koordinacijske sastanke nadležnih institucija Zeničko-dobojskog kantona	Koordinator za antikorupcijske aktivnosti Direktor Zavoda Sve službe i Odjeljenja	Kontinuirano za vrijeme trajanja nastale krizne situacije	Formiran poseban predmet o broju dostavljenih informacija; broju održanih sastanaka;
STRATEŠKI CILJ 5				
Uključivanje cjelokupnog društva u borbi protiv korupcije				
Strateška mjera 5.3.				
Koordinacija, monitoring i izvještavanje				
Broj	Aktivnost	Institucija odgovorna za koordinaciju implementacije i nosioci	Rok za provedbu	Planirani rezultati (indikatori)
5.4.3.	Osigurati kontinuitet u radu imenovanim koordinatorima u institucijama/ustanovama u Zeničko-dobojskom kantonu i Jedinicama lokalne samouprave tokom perioda trajanja provedbe Strategije	Direktor Zavoda Sve službe i Odjeljenja	Kontinuirano	Osiguran kontinuitet rada koordinatora i zamjenskih članova

5.4.4.	Stimulisati rad koordinatora koji rade na poslovima provođenja antikorupcijskih aktivnosti eventualnim uvođenjem dodatka na plaću	Direktor Zavoda	Kontinuirano	Rješenje o imenovanju koordinatora korupcijskih aktivnosti sa predviđenim dodatkom na platu
5.4.5.	Evaluirati i procijeniti provođenje aktivnosti iz Akcionog plana i Strategije	Direktor Zavoda Kordinatorator za antikorupcijske aktivnosti	Do 2028. godine	Sačinjena evaluacija Strategije i Akcionog plana (eksterna i interna evaluacija)

Broj: 05-37-1190/25

Zenica, 23.07.2025. godine

Plan izradila:

Eldina Selimović-Džano

Eldina Selimović-Džano, mag. iur., dipl. soc. ped
Kordinatorator za antikorupcijske aktivnosti
JZU Zavod za bolesti ovisnosti ZDK

DOSTAVLJENO:

1x Ured za borbu protiv korupcije ZDK
1x a/a



VD DIREKTOR

Prim. mr. sci. Hassan dr. Awad
specijalista neuropsihijatar